

**Inuit innarluutillit tapersorneqarnissaannut Inatsisartut inatsisaat allanngortinniarlugu Inatsisartut inatsisaannik Naalakkersuisut siunnersuuteqaqqullugit peqquneqarnissaannut Inatsisartut aalajangiiffigisassaattut siunnersuut, tassani § 8 malillugu angajoqqaat, nakkutilliisut ilaqtutallu immikkut ikiorneqarnissaannut pisinnaatitaaffeqlutik. Inatsisartut inatsisissaattut siunnersuut UPA2024-mut kingusinnerpaamik tunniunneqassaaq.**

(Inatsisartunut ilaasortaq, Agathe Fontain, Inuit Ataqtigiit)

### **Akissuteqaat**

(Meeqqanut, Inuusuttunut Ilaqutariinnullu Naalakkersuisoq)

### **Siullermeerneqarnera**

Siunnersuuteqartumut, Agathe Fontain qujanaq.

Innarluutilinnut angajoqqaat sakkortuunik misigisaqarsinnaasarput tassungalu atatillugu Naalakkersuisut isumaqtigiissutigaaq qanigisaasut asaat immikkut tapersorneqarnissaat pillugu ikiorneqarnissamik, siunnersorneqarnissamik ilitsersorneqarnissamillu periarfissaqartinneqartariaqartut.

Inunnut innarluutilinnut qanigisaasut tapersersuinissamut periarfissamik qulakkeerinnittunik inunnut innarluutillit pillugit inatsit arlalinnik aalajangersagaqalereerpoq. Pissassarfik, nuna tamakkerlugu innarluutilinnut sullissivik siunnersuinissamut ilitsersuinissamut kiisalu pikkorissartitsinissamut pisussaaffeqlarpoq. Kommunalbestyrelse katsorsaataasumik oqaloqatiginnikkut, atortortutigulluunniit toqqaanissamut taamatullu siunnersorneqarnikkut atortutigulluunniit ikiorsiissutinik atuinnissamut ilitsersuinikkut, nammineq angerlarsimaffimmi isumassorneqarnerup isumaginninnissamut tapersiinnikkut, nuunnermi ikiuinikkut tikeraarlunilu angalanikkut siunnersuinissamut ilitsersuinissamullu pisinnaatitaalluniluunniit pisussaavoq.

Inunnut innarluutilinnut taakkualu tapersorneqarnissaannut pisariaqartitaannullu atatillugit inunnut innarluutilinnut inatsimmi periarfissat allassimasut tunngaviliisuupput. Inunnut innarluutilinnut inatsit innarluutilinnut qanigisaasut tapersorneqarnissaannut pisariaqartitaannit tunngaveqanngillat.

Pisuni mianernartuni qanigisaasut tapersorneqartarnissaannut pitsaanagerusumik periarfissaqartoqassasoq Naalakkersuisut isumaqtigiissutigaaq. Inunnut innarluutilinnut inatsit sukumiinerusumik misissorneqaleruttorpoq ilaatigut aningaasaqarnermut inatsimmi isumaqtigiissummut atatillugu ingerlanneqarluni. Tamatumunnga atatillugu pisuni mianernartuni qanigisaasut tapersorneqartarnissaannut pitsaanagerusumik periarfissaqarsinnaatitaanerat taamatullu aningaasaqarnikkut kingunerisassat aamma nalilersorneqassallutik.

Naalakkersuisut taama oqaaseqarlutik aalajangiiffigisassatut siunnersuummut allannguutissatut siunnersuuteqarput:

Inuit innarluutillit tapersorneqarnissaannut Inatsisartut inatsisaata allanngortinneqarneranik Inatsisartut inatsisaannik inunnut innarluutilinnut qanigisaasut pitsaanagerusumik

tapersorneqarnissaannik periarfissalimmik Naalakkersuisut saqqummiusseqqullugit peqquneqassasut Inatsisartut aalajangiiffigisassaattut siunnersuut. Inatsisartut inatsisissaattut siunnersuut kingusinnerpaamik 2024-mi tunniunneqassaaq.